

Provintziàl eletziongen 2023

SUNTA
22
BIMMAT

BAZTADA IZ ZO BIZZA

BO ZO GIANA

Zo votara mochsto gian in sitz boda iz geschribet aftn doi eletoàl zettl.

BIA MA VOTÀRT

Du mast votàrn in kandidètt alz vorsitzar un ummana von liste boden auhalt n (di liste boda soìn toal vo soìnar koalitziong) un iz möglich gem sin atz zboa preferentzan vor di kandidètt alz konsildjarn vodar lista bodo hast zornirt.

GEDENKHTAR IN ELETOÀL ZETTL

Zo maga votàrn baldo geast in sitz izta mångl z'zoaga a khennkart un in eletoàl zettl.

I HÀN VORLÓRT IN ELETOÀL ZETTL BIA TÜADE?

Asto hast vorlört in eletoàl zettl odar asten hast voll stempln, gea in eletoàl åmt von doi Kamòu, boda offe bart soìn an sunta 22 von bimmat o, un vorsch a kòpia.

BENN MA VOTÀRT

Ma votàrt lai in an uantzegen tage, an sunta atz 22 von bimmat balda iz verte zo boroata allz (augelekk in sitz un gestemplt di skède) ma heft å di sèkse mòrgas. Di sitz bartn offestian sin di zene abas. Ma bart åhevan z'zela di vote di sibane mòrgas an menta 23 bimmat.

DI ELETOÀL SKÈDA

Du barst vången an uantzega eletoàl skèda bodada drau bartn soìn stampàrt di nem von kandidètt alz vorsitzar un nidar namp di simboln von liste bodase auhalt n, pinn platz zo maga gem sin atz zboa preferentzan vor di kandidètt/en alz konsildjarn/en.

PREFERENTZAN

Asto bill masto detzidarn nèt zo geba preferentzan, odar lai ummana odar zboa.

PAZ AU AFTE GESLÈCHT PREFERENTZAN

Asto bill gem zboa preferentzan, gedenkh umzobèksla an månn un a baibe odar a baibe un an månn. Azma votàrt zboa baibar odar zboa månnen da zboate preferentz khint auzgestricht, anvétze da earst khint gehaltet guat asó azpe dar voto vor di lista un dar sell vor in vorsitzar.